



ADMINISTRACIÓN LOCAL

MUNICIPAL

PONTEDEUME

Decreto constitución Xunta de Goberno Local

Constitución da Xunta de Goberno Local. Mandato Corporativo 2023-2027

Por Decreto de Alcaldía asinado o día 21.06.2023, resolveuse a <<Constitución da Xunta de Goberno Local. Mandato corporativo 2023-2027>>, cuxo contido se transcribe:

<<DON BERNARDO FERNÁNDEZ PIÑEIRO ALCALDE-PRESIDENTE DO CONCELLO DE PONTEDEUME (A CORUÑA).

Constituída a Corporación Municipal en Pleno celebrado o día 17 de xuño de 2023, consonte co resultado das eleccións municipais celebradas o día 28 de maio de 2023.

Segundo o disposto nos artigos 23 da Lei 7/1985, de 2 de abril, reguladora das bases do réxime local, artigos 59.2.b) e 65.1 da Lei 5/1997, de 22 de xullo, de administración local de Galicia, e artigo 35.2 do Real decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, así como o establecido nos artigos 35-37 do Regulamento Orgánico Municipal de Pontedeume, a Xunta de Goberno Local é un órgano necesario do Concello, e se integra polo alcalde-presidente e un número de concelleiros e concelleiras non superior a un tercio do número legal de membros da Corporación.

Os concelleiros e concelleiras que a conforman serán nomeados e separados libremente pola alcaldía, dando conta ao Pleno da Corporación, correspondéndolle como competencia propia a asistencia ao alcalde no exercicio das súas atribucións así como as atribucións que o alcalde ou outro órgano lle delegue ou lle atribúan as leis, de acordo co establecido na lexislación aplicable.

En uso das atribucións que me confire o artigo 21 da Lei 7/85, do 2 de abril, reguladora das bases de réxime local,
RESOLVO:

PRIMEIRO. - Constituír a Xunta de Goberno Local do concello de Pontedeume para o mandato 2023-2027, como órgano colexiado municipal de carácter resolutivo, presidida por esta alcaldía, que quedará integrada polos concelleiros/as seguintes, (4), número non superior ao tercio do número legal dos que integran a Corporación:

Presidente: D. Bernardo Fernández Piñeiro

Nomear membros da Xunta de Goberno Local aos seguintes concelleiros e concelleiras:

D. José Simoes Couceiro

D. Daniel Ríos Fernández

D^a. Alejandra Bellón Tenreiro

D^a. María Rosario Huertas Garabana

O cargo se considerará aceptado tacitamente, salvo manifestación expresa dos concelleiros e concelleiras nomeados.

SEGUNDO. - Atendendo ao establecido no artigo 211 da Lei 5/1997, de 22 de xullo, de administración local de Galicia, a Xunta de Goberno Local para exercer as súas competencias resolutorias, terá sesións ordinarias coa periodicidade determinada polo Pleno da Corporación e as sesións extraordinarias cando o presidente o decida.

Para o exercicio das súas funcións de asistencia, reunirse cando o alcalde-presidente da Corporación o determine.

TERCEIRO. - A Xunta de Goberno Local terá asignadas as seguintes atribucións:

a) A asistencia permanente á alcaldía no exercicio das súas atribucións.

b) As atribucións que a alcaldía lle delega en forma expresa, que son as seguintes:

Aprobar a oferta de emprego público de acordo co Orzamento e o cadro de persoal aprobados polo Pleno.

- As aprobacións dos instrumentos de planeamento de desenvolvemento do planeamento xeral non expresamente atribuídos ó Pleno, así como a dos instrumentos de xestión urbanística e dos proxectos de urbanización, todo elo nos termos previstos na normativa de urbanismo e ordenación do territorio de Galicia.

- Outorgamento, denegación, prórrogas nos prazos de execución e demais incidencias relacionadas con toda clase de autorizacións, licencias ou permisos municipais esixidas pola normativa aplicable para o exercicio dunha actividade ou prestación dun servizo, salvo que as leis sectoriais o atribúan expresamente ao Pleno, incluíndo todas as urbanísticas non sometidas ao réxime de comunicación previa, as de segregación, as de parcelación, as de actividades sometidas a incidencia ambiental, apertura de establecementos e primeira ocupación de inmobles.
A Alcaldía mantén a competencia no caso de comunicación previa ou declaración responsable, segundo a normativa aplicable, para o exercicio dunha actividade ou prestación dun servizo.
- Declaración de ruína conforme á normativa urbanística aplicable e tramitación ata a resolución do expediente que corresponda.
- A ratificación das cesións urbanísticas.
- A incoación e resolución dos expedientes de disciplina urbanística, sancionadores e de reposición da legalidade urbanística.
- A adquisición de bens e dereitos suxeitos á lexislación patrimonial, cando o seu valor non supere os 10% dos recursos ordinarios do orzamento, nin os tres millóns de euros, así como o alleamento do patrimonio cando o seu valor non supere a porcentaxe nin a contía indicados, e non estén legalmente atribuídos ao Pleno da Corporación.
- A adxudicación de concesións sobre os bens da Entidade Local cando o seu valor non supere o dez por cento (10%) dos recursos ordinarios do orzamento nin o importe de tres millóns de euros.
- A aprobación dos expedientes e outorgamento das autorizacións para o uso ou o aproveitamento especial e privativo do dominio público local, derivados de procedementos de libre concorrencia e adxudicación directa, e cando non lle correspondan ao Pleno da Corporación por aplicación da normativa aplicable.
- Devolucións de garantías de todo tipo de contratacións e concesións e as devolucións de garantías derivadas das autorizacións, licencias ou permisos.
- A incoación e resolución dos expedientes de responsabilidade patrimonial da administración municipal que sexan competencia de alcaldía.
- A subscripción de convenios de colaboración con outras administracións públicas ou outras entidades do sector público, cunha vixencia inferior a 4 anos e cun límite de gasto total para a administración que non supere o 10 % dos recursos ordinarios do orzamento municipal ou vixencia indefinida que non supoña gasto para a administración.
Queda excluída da competencia da Xunta de Goberno Local, a aprobación dos convenios de colaboración con entidades e asociacións e a xustificación dos mesmos, no seu caso, que serán competencia da alcaldía, salvo as expresamente atribuídas ao Pleno da Corporación.
- Outorgamento, autorización de transmisión e declaración de caducidade das licencias de taxi.
- As resolucións de creación, modificación e supresión dos ficheiros con datos de carácter persoal, consonte ó disposto pola normativa aplicable en materia de protección de datos.

Todo canto antecede o é sen prexuízo das avogacións que, no seu caso, puideran disporse pola alcaldía, de maneira motivada e mediante resolución formal, de acordo có previsto na Lei 40/2015 de Réxime Xurídico do Sector Público; e das facultades de asesoramento e ditame que reserva á Xunta de Goberno Local o art. 23 da Lei 7/1985 Reguladora das Bases de Réxime Local.

Non é delegable a resolución dos recursos administrativos que se interpoñan contra os actos ditados por delegación.

O réxime dos acordos ditados por delegación será o establecido pola Lei 40/2015 de Réxime Xurídico do Sector Público, Lei 7/1985 Reguladora das Bases de Réxime Local e Real Decreto 2568/1986 de Regulamento de Organización, Funcionamento e Réxime Xurídico das Entidades Locais.

No texto dos acordos adoptados pola Xunta de Goberno Local en virtude desta delegación, terase que facer constar esta circunstancia mediante a inclusión, na parte expositiva, dunha referencia á resolución de delegación.

CUARTO.- A Xunta de Goberno Local celebrará sesión constitutiva dentro dos dez días seguintes á sinatura deste Decreto, de conformidade có sinalado no art. 112.1 do R.D. 2568/1986

QUINTO. - Da presente resolución, darase coñecemento ao Pleno na primeira sesión que celebre, notificándose ademais persoalmente ás persoas interesadas e publicarase no Boletín Oficial da Provincia, sen prexuízo da súa efectividade a partir do día seguinte ao da data de sinatura da mesma, conforme se indica no artigo 52.4, en relación co artigo 46 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

SEXTO. - Quedan derogados os Decretos así como calquera outra resolución que se opoña ao contido da presente resolución.

En Pontedeume, asinado dixitalmente na data que figura na marxe polo Sr. alcalde D. Bernardo Fernández Piñeiro do que eu, D^a Ana Ramos Ramos, como secretaria xeral, dou fe. (Asinado aos efectos exclusivamente do artigo 3.2 do RD 128/2018 de 16 de marzo e o artigo 2.1 do Decreto 24/2018 do 15 de febreiro).>>

O que se publica para xeral coñecemento e en cumprimento do contido da dita resolución.

Documento asinado dixitalmente por D. Bernardo Fernández Piñeiro,
alcalde-presidente,
en Pontedeume a 26 de xuño de 2023

2023/5162

ADMINISTRACIÓN LOCAL

MUNICIPAL

PONTEDEUME

Periodicidade das sesión da Xunta de Goberno Local

Anuncio: DETERMINACIÓN DA PERIODICIDADE DAS SESIÓNS ORDINARIAS DA XUNTA DE GOBERNO LOCAL. MANDATO CORPORATIVO 2023-2027

O Pleno do Concello de Pontedeume, en sesión extraordinaria celebrada o día 28 de xuño de 2023, adoptou, entre outros o seguinte acordo, cuxo contido se transcribe:

<<4. DETERMINACIÓN DA PERIODICIDADE DAS SESIÓNS ORDINARIAS DA XUNTA DE GOBERNO LOCAL

A Secretaria xeral da lectura á proposta da Alcaldía-Presidencia, que se transcribe a continuación:

“PROPOSTA DE ACORDO

EXPDTE 2023/G006/000115

ASUNTO.- DETERMINACIÓN DA PERIODICIDADE DAS SESIÓNS ORDINARIAS DA XUNTA DE GOBERNO LOCAL.

EXPDTE. 2023/X999/000121 ORGANIZACIÓN MUNICIPAL MANDATO CORPORATIVO 2023-2027

Tendo en conta o comezo dun novo mandato corporativo 2023-2027, trala celebración das eleccións municipais o 28 de maio de 2023, o cal comporta a determinación de aspectos de natureza organizativa.

*Para dar cumprimento ao disposto ao abeiro do disposto no artigo 211 da Lei 5/1997, de 22 de xullo, de Administración local de Galicia, **PROPOÑO:***

PRIMEIRO.-Fixar a periodicidade das sesións ordinarias da Xunta de Goberno Local do Concello de Pontedeume, quincenalmente os xoves, ás 13:00 horas na Casa do Concello.

No caso de que a devandita data coincida con día festivo, celebrarase sesión ordinaria o inmediato día hábil anterior á data correspondente, á mesma hora.

SEGUNDO.- Facultar ao sr. Alcalde, previa consulta cos membros da Xunta de Goberno local, e por razóns debidamente xustificadas, para alterar o horario establecido no punto primeiro do presente acordo”

A Presidencia abre a quenda para o debate

Sen intervencións, sométese a votación a **proposta**, quedando **ADOPTADO** por **MAIORÍA de 9 votos a favor**: 9 dos concelleiros e concelleiras do Grupo Municipal do PSdeG-PSOE D. Bernardo Fernández Piñeiro, D^a M^a Rosario Huertas Garabana, D. Daniel Ríos Fernández, D^a Alejandra Bellón Tenreiro, D. José Simoes Couceiro, D. Isaac Alejandro García Otero, D^a Ángela Piñeiro Carrera,, D. Joshua Dopico López, D^a. Manuela García Fachal; e **4 abstencións**: 2 dos concelleiros e concelleiras do Grupo Municipal do BNG, D. Luís Pena Mosquera e D^a. M^a Rocío Souto Torre e 2 dos concelleiros e concelleiras do Grupo Municipal do PP D. Santiago José Rodríguez Piñeiro e D^a. Montserrat Pico Rodeiro; o **ACORDO** seguinte:

PRIMEIRO.-Fixar a periodicidade das sesións ordinarias da Xunta de Goberno Local do Concello de Pontedeume, quincenalmente os xoves, ás 13:00 horas na Casa do Concello.

No caso de que a devandita data coincida con día festivo, celebrarase sesión ordinaria o inmediato día hábil anterior á data correspondente, á mesma hora.

SEGUNDO.- Facultar ao sr. Alcalde, previa consulta cos membros da Xunta de Goberno local, e por razóns debidamente xustificadas, para alterar o horario establecido no punto primeiro do presente acordo.>>

O que se publica para xeral coñecemento.

Documento asinado dixitalmente por D. Bernardo Fernández Piñeiro, alcalde-presidente, en Pontedeume a 19 de xullo de 2023.